

आकाशवाणी

खबरां ----

1. कृषि मंत्री शिवराज सिंह चौहान होरें आखेआ जे सिंधु जल संधि दे स्थगन कन्नै उत्तरी राज्यें दे करसानें गी मता लाहू होगा।
2. विदेश सचिव विक्रम मिसरी होर अज्ज संसद दी स्थाई समिति गी भारत ते पाकिस्तान बश्कार मजूदा विदेश नीति दे बारे जानकारी देंगन।
3. केंद्री मंत्री प्रहलाद जोशी होरें विरोधी धड़ें दे नेता राहुल गांधी हुंदे उप्पर आप्रेशन सिंदूर उप्पर टिप्पणी राएं फौजी बलें दे निरादर दा आरोप लाया।
4. बीजेपी दे राष्ट्रीय सचिव तरूण चुग होरें आखेआ जे अमृतसर दे गोल्डन टेंपल उप्पर पाकिस्तान आसेआ कथित ब्हाई हमला पाकिस्तानी फौज ते सरकार दा मानसिक दिवालियापन दर्शादा ऐ।
5. ते पंजाब पुलस नै संवेदीशील फौजी जानकारी लीक करने च शामिल 2 लोकें गी गिरफ्तार करिये राष्ट्रीय सुरक्षा कन्नै समझौता करने दी कोश्ट गी नाकाम करी दित्ता ऐ।

<><><><><><>

Shivraj-India Water Treaty

राई-बाई ते करसान कल्याण मंत्री शिवराज सिंह चौहान होरें आखेआ जे सिंधु जल संधि दे स्थगन कन्नै राजस्थान, हरियाणा, पंजाब ते हिमाचल प्रदेश दे किश हिस्सें दे करसानें गी मता लाहू पुज्जोग। मंत्री हों एहू गल्ल नमीं दिल्ली च देसै दे बक्ख-बक्ख हिस्सें थमां आए दे बक्ख-बक्ख करसानें दे किटठ कन्नै गल्ल करदे होई आक्खी। श्री चौहान होरें भविक्ख च पानी दे इस्तेमाल दी व्यापक रणनीति दे

बारे आखेआ तां जे ओहू सब्बनें गी मते कोला मता लाहू देई सकन। मंत्री होरें करसानें दे प्रतिनिधियें दे किट्टु कन्नै गल्लबात कीती ते सिंधु जल संधि उप्पर उन्दे सलाह मश्वरे बी सुने।

<><><><><><>

Foreign-Sec

विदेश सचिव विक्रम मिसरी होर अज्ज संज्ञा संसद दी स्थाई समिति गी भारत ते पाकिस्तान बशकार मौजदू विदेश नीति दे बारे च जानकारी देडन। कांग्रेस सांसद शशि थरूर हुंदी अध्यक्षता आहली समिति गी श्री मिसरी गी श्री मिसरी आसेआ आप्रेशन सिंदूर ते पाकिस्तान कन्नै संघर्ष विराम दी घोषणा दी जानकारी देने दी बी मेद ऐ।

<><><><><><>

EAM-Add

विदेश मंत्री डॉ. एस जयशंकर होरें अज्ज नीदरलैंड दे हेग च रणनीतिक विशेषज्ञें कन्नै बैठक कीती। बैठक दे बाद सोशल मीडिया पर पोस्ट च डॉ. जयशंकर होरें आखेआ जे उंदी विशेषज्ञें कन्नै अच्छी गल्लबात होई। उनें आखेआ जे बहुध्रुवीयता ते रणनीतिक स्वायतता दे युग च भारत ते नीदरलैंड ते यूरोपीय संघ गी होर मता गहराई नै जुडने दे बारे च गल्लबात होई। विदेश मंत्री नीदरलैंड, डेनमार्क ते जर्मनी दी 3 देशें दी जात्तरा दे पहले चरण च हेग पुज्जे।

<><><><><><>

Joshi-Shivraj-Prahlad

केंद्री मंत्री प्रहलाद जोशी होरें विरोधी धडे दे नेता राहुल गांधी उप्पर आरोप लाया जे ओहू आप्रेशन सिंदूर उप्पर टिप्पणियें राएं फौजी बलें दा निरादर करा रदे ना। इक सोशल मीडिया पोस्ट च श्री जोशी होरें आखेआ जे भारत वायु सेना, विदेश मामले दे मंत्रालय आसेआ आप्रेशन च कुसै माली नुकसान नेई होने दी पुष्टि दे बावजूद लगातार राष्ट्र दे फौजी बलें दा निरादर करा रदे ना। मंत्री होरें

कथित तौरा पर कांग्रेस दे वरिष्ठ नेता हुंदे विदेश मंत्रालय दा गलत तरीके कन्नै हवाला दित्ता। मगरा डी.जी.एम.ओ आसेआ पैहले गै सारी स्थिति साफ करी दिती ऐ। केंद्री मंत्री शिवराज सिंह चौहान होरें बी श्री गांधी पर इस मुद्दे पर हमला बोलेआ। बड्डुलै री गांधी होरं विदेश मंत्री डॉ. जयशंकर होरें गी आप्रेशन सिंदूर उप्पर सुआल पुच्छेआ।

<><><><><><>

Prez. Neelam Birth Anniversary

राश्ट्रपति द्रौपदी मुर्मू होरें अज्ज राश्ट्रपति भवन च साबका राश्ट्रपति नीलम संजीव रेड्डी हुंदी जयंती पर उनेंगी पुष्पांजलि अर्पित कीती। ओहू 25 जुलाई 1977 थमां 25 जुलाई 1982 तोड़ी देश दे 6में राश्ट्रपति रेह।

<><><><><><>

HM-OCI Portal

केंद्री गृह मंत्री अमित शाह होरें अज्ज नमीं दिल्ली च नमें ओवरसीज़ सिटिजन ऑफ इंडिया ना दे पोर्टल दा शुभारम्भ कीता। इस समें दौरान कर्मियें गी दूर करने ते उपयोगकर्ता अनुभव बेहतर बनाने लेई एहू पोर्टल शुरू कीता गेआ हा। गृह मंत्रालय नै दस्सेआ जे पिछले इक दहाके च महत्वपूर्ण तकनीकी प्रगति ते आई.सी.आई कार्ड धारकें थमां हासल प्रतिक्रिया दे बाद नमा ओ.सी.आई पोर्टल विकसित कीता गेआ ऐ।

<><><><><><>

Bihar-Paswan

केंद्री खाद्य प्रसंस्करण उद्योग मंत्री चिराग पासवान होरें आखेआ जे खाद्य प्रसंस्करण दे खेत्तर च विकास दी अपार संभावना ना। उनें आखेआ जे बिहार च खाद्य प्रसंस्करण क्षेत्र कन्नै जुडे दे लोक विकसित भारत च योगदान देई सकदे ना। श्री पासवान होरें पटना च ज्ञान भवन च इक सम्मेलन

दौरान एहू गल्ल आक्खी। श्री पासवान होरें पटना च ज्ञान भवन च इक सम्मेलन दौरान एहू गल्ल आक्खी। श्री पासवान होरें आखेआ जे नौजवानें लेई इस खेत्तर च मते मौके ना। ओहू खेत्तर कन्नै जुड़ियै नौकरी तुप्पने आहले दी थाहर नौकरी देने आहले बनी सकदे न ते प्रधानमंत्री नरेंद्र मोदी हुंदे सुखने गी साकार करी सकदे ना।

<><><><><><>

Bolachistan-Blast

पाकिस्तान च बलोचिस्तान प्रांत दे बन्ने आहले क्षेत्र किला अब्दुल्ल दे गुलिस्तान इलाके च होए दे कार बम धमाके च 4 लोकें दी मौत होई गई ते 20 होरनें जखमी होई गए। इन्दे चा 8 गंभीर रूपै नै जखमी ना। एहू धमाका गुलीस्तान शहर च क्वेटा चमन राश्ट्री जरनैली शिडक पर जब्बार कमर्शियल मार्केट च होआ। एहू पाकिस्तान दे फ्रंटियर कोर दे किले कन्नै लगदा ऐ। भीषण बिस्फोट च इलाके च कई हट्टियें ते गड्डियां तबाह होई गेइयां ते एफ.सी फोर्ट दी कंदा बी इस धमाके दी जद च आई गेइयां।

<><><><><><>

GeM

प्रधानमंत्री नरेंद्र मोदी होरें केंद्री मंत्री पीयूष गोयल आसेआ लेख गी सोशल मीडिया उप्पर सांझा करदे होई आखेआ जे सरकारी ई मार्केट प्लेस (जेम) पोर्टल हाशिए पर पेदे लोकें लेई भित्त खोल्ला'रदा ऐ ते भारी बचत यकीनी बरा'रदा ऐ। श्री मोदी होरें लिखेआ जे इस कन्नै पारदर्शी शासन लेइ, सरकार दे प्रयास गी डिजिटल क्षेत्र च बढ़ावा थ्होआ ऐ।

<><><><><><>

Punjab Air Assault

भारती जनता पार्टी दे राश्ट्री महा सचिव तरूण चु होरें आखेआ 8 मई गी पाकिस्तान आसेआ अमृतसर च री हरमंदर साहिब उप्पर कथित ब्हाई हमला पाकिस्तानी फौज दी मानसिक दिवालिया

हालत ते सरकार दी बी हालत दसदा ऐ। ड्रोन राएं ब्हाई हमले उप्पर फौजी अुसर आसेआ दित्ते दे बयान दा हवाला दिंदे होई चुग होरें आखेआ जे स्हाड़े दलेर फौजी जवानें भारत दी आत्मा उप्पर हर हमले गी नाकाम करी दित्ता। उनें इनें बहादुर जवानें गी नमन कीता।

<><><><><><>

Punjab-Two Spies Arrested

पंजाब पुलस नै संवदेनशील फौजी जानकारी लीक करने च शामिल 2 लोकें गी गिरफ्तार करियै राष्ट्रीय सुरक्षा कन्नै समझौता करने दी कोश्ट गी नाकाम करी दित्ता। पंजाब पुलस प्रमुख गौरव यादव होरें आखेआ जे गुरदासपुर दे सुखप्रीत सिंह ते करणवीर सिंह ना दे दो लोक आप्रेशन सिंदूर कन्नै जुडी दी गोपनीय जानकारियां पाकिस्तान दी खुफिया एजेंसी आई.एस.आई दे कन्नै सांझा करने च लगगे दे हे। जिस च फौज दी आवाजाई ते पंजाब, हिमाचल प्रदेश ते जम्मू-कश्मीर च महत्वपूर्ण रणनीति थाहर शामिल हे। गुरदासपुर पुलस नै तुरत कार्रवाई करदे होई दौनें संदिग्ध जसूसें गी गिरफ्तार करी लैता। उंदे मोबाइल फोन दी फोरेंसिक जांच थमां खुफिया जानकारी दी पुष्टि होई ऐ। पुलस टीम नै उंदे कब्जे थमां 3 मोबाइल फोन ते जींदा कारतूस बी बरामद कीते ना।

<><><><><><>

Union-Agri Minister

केंद्री राई-बाई मंत्री शिवराज सिंह चौहान होरें आखेआ ऐ जे इस म्हीने दी 29 तरीक थमां राष्ट्रव्यापी मुहिम विकसित कृषि संकल्प अभियान शुरू कीता जाग ते एह 12 जून तगर जारी रौहगा। इस मुहिम दा मकसद करसानें गी अज्जै-कल्लै दियें तकनीकें ते बीएं दी नमीं किस्में बारै जागरूक बनाना ऐ। अज्ज नमीं दिल्ली च इक प्रेस कांफ्रेंसिंग गी संबोधित करदे होई मंत्री होरें आखेआ जे एह अभियान देसै दियें 723 जिलें च चलोग ते तकरीबन डेढ़ करोड़ करसानें तगर एहदी पुज्ज होग। उनें दस्सेआ जे इस दौरान साइंसदानें दी इक टीम करसानें गी सिखलाई देने लेई तकरीबन 65 ज्हार ग्राएं दा दौरा करोग। उनें एह बी दस्सेआ जे हर दिन हर इक टीम जिला सतह पर त्रै मीटिंगां लाग।

<><><><><><>

Rijuju-APD

संसदीय मामले दे मंत्री किरेन रिजिजू होरें अज्ज आखेआ ऐ जे दुनिया गी एह जानना बड़ा जरूरी ऐ जे भारत शांति दा समर्थ ऐ, पर आतंकवाद खिलाफ एह सख्त कोला सख्त कार्रवाई करोग। उनें आखेआ जे इस सरबंध्यै च सर्वदलीय प्रतिनिधिमंडल बक्ख-बक्ख मुलखें च भेजे जा'रदे न जेडे दुनिया भरै च भारत दे रौं कन्नै लोकें गी वाकफ कराडन। भारत नै सदा गै रमानदारी दा पक्ख लैता ऐ पर जिसलै कोई रमानदारी च दखल पाने लेई कोई साजश रचदा ऐ तां ओहदी नकेल कस्सना बड़ा जरूरी होई जंदा ऐ। उनें आखेआ जे प्रधानमंत्री नरेंद्र मोदी होरें आप्रेशन सिंदूर पाकिस्तानी आतंकवादिणं आसेआ बेकसूरे निहत्ये लोकें दी हत्या करने दे परते च शुरू कीता। अज्ज लेह च पत्रकारें कन्नै गल्ल करदे होई रिजिजू होरें कांग्रेस आसेआ सर्वदलीय प्रतिनिधिमंडल दी नुख्ताचीनी करने बारै पुच्छे गेदे इक सोआलै दे परते च आखेआ जे शिष्टमंडल मुलखै दी अगुवाई करोग ना कि पार्टिणं दी।

<><><><><><>

Joe-Bidden

अमरीका दे साबका राष्ट्रपति जो बिडन दे कार्यालय नै इक बयान च आखेआ जे ओह Prostate Cancer कन्नै पीड़ित ना। बयान च आखेआ गेआ ऐ जे श्री बिडन होरेंगी कैंसर घात ग्रेड 5 दा ऐ। 82 बरे दी बिडेन इस बरे दी शुरूआत च पद छोड़ने दे समें अमरीका दे सब्बनें शा उम्र दराज राष्ट्रपति हे। प्रधानमंत्री नरेंद्र मोदी होरें अमरीका दे साबका राष्ट्रपति जो बिडन हुंदे सोआस्थ पर चैंता व्यक्त कीती ऐ। सोशल मीडिया पर इक पोस्ट च श्री मोदी होरें उन्दे सोआस्थ होने दी कामना कीती ते आखेआ जे उंदी संवेदना साबका राष्ट्रपति बिडन हुंदी पत्नी डॉ. जिल बिडन ते उंदे परोआर कन्नै ऐ।

<><><><><><>

IPL-Cricket

IPL क्रिकेट च अज्ज संझा लखनऊ सुपर जायंट्स दा मुकाबला सनराइजर्स हैदराबाद कन्नै होग। मैच संझा साङ्के 7 बजे लखनऊ दे एकाना क्रिकेट स्टेडियम च खेड्डेआ जाग। ध्यानजोग ऐ जे .. च हून इक गै थाहर बाकी रेही गेदी ऐ ते लखनऊ सुपर जायंट्स दी पूरी-पूरी कोश्ट होग ते ओहू प्रतियोगिता च बरकरार रौहने लेई अग्गे गै बाहर होई गेदी सनराइजर्स हैदराबाद गी हराइयै अग्गे बदोग। लखनऊ गी प्रतियोगिता च बने दे रौहने लेई अपने बाकी त्रैवें मैच जित्तने होंगन। कल संझा नमीं दिल्ली दे अरूण जेटली स्टेडियम च खेड्डे गेदे इक मैच च गुजरात टाइटन्स नै दिल्ली कैपिटल्स गी 10 विकटें कन्नै हराई दित्ता ते इक होर मैच च पंजाब किंग्स नै राजस्थान रायल्स गी 10एं रन्जें कन्नै हराई दित्ता हा।

<><><><><><>